

MATVTINIS DISCVTIENDA DISPV TATIONIBVS IN
SCHOLIS MEDICORVM PARIS. DIE IOVIS 15. FEBRVARII M. IOANNE
BEAVCHESNE DOCTORE MEDICO MODERATORE PRVDENTISSIMO.

An singulis anni temporibus sua victus ratio?

Corporis œconomia trium facultatum administratione dispensatur. Que inter se ita sunt affectæ, vt mutuis stent seruenturq; præsidij. Vitalis, qua pereunte cætere concidant necesse est, per spiritum, quem ex naturali generat, dispari cum corpore vincit animam. Animalis, egris minimùm necessaria, sensum & motum per neruos in totum corpus effundit. At naturalis veluti basis cæterarum, eas tempore, & vsu præcedit. Hæc nusquam non est, tametsi propriam in icore sedem obtineat. Prima eius opera sunt procreare, augere, nutrire: ex quibus nullum perenne præter vltimum. Nihil viuit, quod non alatur. Fluor triplicis substantiæ hanc affert necessitatem. Quod alit, nutrix est facultas solis partibus similaribus insita, quæ cœlesti vsa calore alimentum quantumvis dissimile tra hit, retinet, & coquit. Si quid verò restet superfluum, separat & excernit.

Materia nutritionis est alimentum triplex, cibus, potus, & spiritus. Hoc si sit temperatum vincitur à calore, & in corporis substantiam facessit citra interitum: non protinus tamen, sed præcedente triplici coctione in ventriculo, icore, & singulis partibus. Si verò manifesta aliqua qualitate excellat, corpus citra dānum vllum afficit: quin sæpe alterando plurimùm prodest. In cibo medicamentum optimum. Corpus igitur ~~et~~ ^{ut} singulis tantum seruandum est: ~~dis-~~

Corporum discrimina petuntur à temperamento, quod licet primordiorum naturam semper redeat, plurimas tamen cum ab externis, tum internis causis sustinet mutationes. Ab his sumuntur ætatum differentiæ, quæ certis annorum spatij definiri non possunt. Inter illas præcipuum locum sibi vendicant anni tempora elementis, humoribus, & ætatibus analogæ. Quorum omnium sol princeps planetarum author est, qui suo motu, lumine, & influxu, aërem variè immutat. Quælis autem hic est, tales sunt in nobis spiritus, & humores: à quibus tandem partes solidæ, quibus insidet humidum radicale, nunquam reparabile, afficiuntur.

Tamen naturarum aliæ ad alia tempora bene aut malè se habent. Itidem ætates, & morbi. Sic ver calidum humidum cunctis est saluberrimum, præterquam plethoricis & cacochymis. Tū enim sanguis augetur, & dominatur. Æstas calida sicca biliosis nocet atque iuuenibus: mulieres verò, quæ sunt viris frigidiore, roborat & procaciores reddit. Autumnus, cum sit inæqualis multis est calamitosus, sed tabidis & melancholicis maximè. Imò quosdam malis diutinis fatigatos opprimit, alios longissimis implicat. Frigus hybernus intus quidem auget calorem, sed capiti aduersatur, neruis, senibus, & naturis pituitosis.

Quia igitur temporum anni ~~et~~ ^{ut} adeò sit dissimilis, non eadem vitæ lex conuenit, sed alterato ab aëre corpori aliqua ~~et~~ ^{ut} afferenda. Vt autem gratior, sic tutior via est per diætā. Quam obrem tempus hyemale cibum requirit calidiorem & sicciorē, sed copiosiorē, vt & vini potum meraciorem. Vere tenuior victus & frigidiore esse debet. Quinetiam morbis imminuentibus præcauendis non minustum necessaria est inedia, quàm cateræ vacuationes. Æstate pauca semel offerenda sunt, sed frequentius, ea; humida & refrigerantia. Proinde aqua vino, vt assis elixa præferenda. Neq; primis mensis lactuca aut fructus fugaces abdicandi. Autumnalis appetentia cibum poscit pleniorē, vt potum meraciorem. Sed in naturis melancholicis, ea cautio seruari debet, vt acres cibi crassiorisq; substantiæ vnà cum aromatis & fallamentis omnibus deuiuentur.

Ergo singulis anni temporibus sua victus ratio.

Proponebat HONORATVS GOMER Cœnomanensis Sillæ anno Domini 1601.

DOMINI DOCTORES DISPV TATV RI.

M. Antonius Quiquebœuf.
M. Jacobus d'Amboise Med. Reg.
M. Jacobus Cousinot.

M. Petrus Seguin Prof. Reg.
M. Ioannes de Renou.
M. Petrus Pigeart.

M. Claudius Boyvin.
M. Philippus Hardwyn de S. Iacques.
M. Claudius Foueler.

